


御製文初集
卷五
卷六



御製文初集卷之五

序

味餘書室全集



文以載道詩以言志幼而習長而行安
身立命之處必應以經書爲標準我
朝龍興遼瀋國語騎射誠爲最要根本
固應億萬禩敬承勿懈然爲海寓之主

亦不能不以文治化成天下故天家子弟六齡卽入上書房從師受業陶冶性情涵濡德義日親宿儒克勤力學雖才質有不同聰鈍有互異而化其驕泰之性使知孝弟之方悟經書之奧功非淺鮮矣視彼前朝太子偶一出閣講學片時者奚啻天壤之分哉予悟性遲鈍乙

酉年入學從覺羅奉碩亭先生讀書至壬辰年而五經粗畢從謝東墅先生學今體詩至丙申年始從朱石君先生學古文併古體詩直至今日時於幾暇仍相商酌討論書窗景况宛然如昨也內廷諸大臣合詞陳請予在潛邸所著詩文全行發出刊布再三却之不可因敬

思

皇考御極初年曾

允廷臣請刊刻樂善堂全集

頒行海內何敢比擬萬一然舊藁中恭

和

御製諸篇皆經

皇考閱定此丙甲辰年恭和

遊龍井詩中

泉雷忽疑雨竹春不知秋十字係

皇考丹毫改定之句此成親王慶郡王

所目覩者若不發刻何以誌趨

庭盛事他如詞義淺陋無關治道諸作

概刪去弗錄共計古今體詩三十四卷

約計三千二百餘首文六卷計百餘篇

附隨筆五十二則皆書室之課程併隨
鑾紀事諸作觀者可知我

皇考當日

眷予之深恩淪浹無涯實非筆墨所能
形述至於雕琢字句刻畫精工予素不
屑爲此茲允廷臣繕刻之意在宣揚

慈父渥澤爲萬世子孫效法豈欲與文

人學士爭長也哉至味餘之義已見原
序故不複言是爲序

辛酉工賑紀事序

嘉慶六年辛酉夏六月京師大雨數日
夜西北諸山水同時並漲浩瀚奔騰汪
洋匯注漫過兩岸石堤土堤決開數百
丈下游被淹者九十餘州縣數千萬黎

民蕩析離居飄流昏墊誠從來未有之
大災患此工之所由興而賑之所由起
也職此之由實予不德之所致予承

天

考命撫綏萬方

授璽以來兢兢業業唯恐一夫之不獲
孰意罹此澇災遭此未見之奇變嗚呼

痛哉永定河向來雖經決口為患不鉅
即被淹浸何至波及多方水從橋頂堤
上漫過人力難施固非意料所及若諉
之氣數是遇災不知懼益獲

天譴矣從來消息盈虛之理總視人君
敬怠感召之機書曰曰狂恒雨若又曰
滿招損予一念之忽遂致如此誠可畏

行樂文初集 卷五
也若稍不實力救民獲咎滋甚予何敢
抑亦何忍故分命卿員多方賑恤亟命
大員督修石土堤工工成於六年冬而
賑直至七年夏始畢雖辦理尙爲迅速
全活者衆然倉猝之間轉於溝壑者已
不知凡幾矣古云救荒無善策惟盡予
心耳工賑畢爰命內廷諸臣編述節次

所降諭旨及內外諸臣摺奏纂集成書
頒示直省俾令知予贖咎之本意設遇
水旱偏災皆應實力拯救庶幾挽回
天意轉歉爲豐尤不可稍存諱飾書誌
予過亦可諒予之苦心矣是爲序

平定三省紀略

天生民而樹之君使司牧之奚能獨任

御製文苑集 卷五
斯事故必分命岳牧教養兆庶誠能愛
民如赤子民亦敬官如父母豈有干犯
名義之事哉若不知教養聽其游惰及
至聚衆搶劫不得不用兵討捕其實民
則無知妄作官則不教而誅良民被賊
屠戮固深憐憫卽罹法之賊亦不知所
犯豈非官失於教乎官旣不教民則有

奸詭之徒創立邪教幻稱彌勒名踵白
蓮斂錢惑衆治病燒香妄談禍福因果
愚民被其煽誘醜類旣衆遂思蠢動到
處鼓惑並未易衣冠立國號不過意圖
劫掠子女財幣非有謀爲不軌叛逆之
心遂於丙辰年辰月起於楚地蔓延陝
蜀豕突狼奔蜂屯蟻聚焚殺擄掠無所

不爲雖命將出師練團集勇奈旋翦倏
起東勝西逃勢如野火燎原卒難撲救
朕夙夜焦愁廣詢博採集議而行虛衷
延納賴經略額勒登保參贊德楞泰忠
勇清貞盡力籌辦行間諸將士効命疆
場不避險阻而三省諸良民誼切同仇
知方有勇追奔逐北於蠶叢寒暑飢餒

艱苦備嘗經七年之久事始告成擒戮
著名首逆百餘人積惡頭目數百人掃
除脅從二十餘萬衆悔罪投首者亦有
數萬而陣亡之將士以及被害之黎庶
更不可以數計嗚呼痛哉予受璽臨軒
適逢斯患實予不德所致然揆厥所由
總因大法而小不廉上行而下不效視

官階爲利藪不恤國計民生惟思保位
謀利苟且因循遷延疲玩守牧旣如此
處心積慮又何能體察小民之疾苦自
然視同秦越矣任吏胥作奸犯科錙銖
較量以致衆怨沸騰激而生變官逼民
反之語信非謬也幸邀

天恩

考佑三省寧謐萬民復安予益凜

天命難諶民砦可畏治益求治安益求
安兢業爲懷以期衆姓咸登衽席永爲
盛世之良民語云經正則庶民興是在
賢守牧實心愛民有爲有守除暴安良
道德齊禮庶幾可望太平仰酬我
皇考六十年治世之苦衷於萬一若有

剝削小民重利忘義或自顧爵位狗庇
劣員或自肥身家凌虐黔首朕必執法
重懲決不姑恕若有政聲卓越善蹟彰
著之良吏朕必破格錄用立加榮錫咨
爾內外臣工贊襄圖治公爾忘私國爾
忘家上下交儆用鞏我國家億萬載無
疆之慶是予之至願也

熙朝雅頌集序

皇清荷

天恩承

祖佑開基遼瀋定鼎燕京以弧矢威天
下八旗勁旅蓋臣世僕同心一德肇造
億萬年丕丕基都城分駐列戍雲屯黃
白紅藍有鑲有正參贊河鼓之象允協

從集文初集 卷五
韜鈴之機皇哉唐哉世德作求金湯永
固卜年應邁姬周長鞏河山帶礪矣夫
開創之時武功赫奕守成之世文教振
興雖吟詠詞章非本朝之所尙而發抒
心志亦盛世之應存此熙朝雅頌集之
所由作也斯集爲巡撫鐵保所編自八
旗諸王百僚庶尹以及武士閨媛凡有

關風俗人心節義彰輝諸篇得一百三
十四卷蒼萃成書請名具奏朕幾餘評
覽遍拾英華紬繹旬餘未能釋手敬仰
列聖作人培養之厚穆然想見忠愛之
忱英靈之氣或從征効命抒勇壯之詞
或宰邑治民發肫誠之素炳炳麟麟珠
聯璧合洵大觀化成之鉅製右文盛代

御製文苑集 卷五
之新聲是以命集名爲熙朝雅頌視周
家小雅殆有過之八旗涵濡

祖恩

考澤百有餘年名臣碩彥代不乏人經
文緯武之鴻才致君澤民之偉士不可
以數計夫言爲心聲流露於篇章散見
於字句者奚可不存非存其詩存其人

也非愛其詩律深沈對偶親切愛其品
端心正勇敢之忱洋溢於楮墨間也是
崇文而未忘習武若逐末舍本流爲纖
靡曼聲非予命名爲雅頌集之本意知
干城禦侮之意者可與言詩徒耽於詞
翰侈言吟詠太平不思開創之艱難則
予之命集得不償失爲耽逸厭勞之作

御製文初集 卷五
一
俯觀斯集者應諒予之苦心矣我八旗
臣僕豈可不深思熟慮以乃祖乃父之
心爲心以乃祖乃父之言爲法各勉公
忠體國之忱毋負命名雅頌期望之深
意朕之至願也

續纂詞林典故序

乾隆戊辰詞林典故書成大學士張廷

玉等以序請

聖製弁於卷首輝騰東壁彩煥西清於
千萬年敬稽舊制洪惟我

皇考臨御六十載闡一道同風之盛治
開

壽宇作人之嘉祥鴻才碩彥濟濟蹒蹒
登芸署遊鳳池者以千萬計承

右文重道之澤敷邇治保邦之猷豈徒
炫染才華研鍊詞賦而已哉前書僅八
卷今自戊辰至嘉慶甲子又續增至六
十四卷具昭儲才之盛彌欽

化育之隆予小子敬承大業益疊求賢
登玉堂之國士其思經世載道立言牖
民務修根柢之學毋尙虛車之飾弼予

莅政庶期化民成俗實有厚望焉乙丑
仲冬月大學士朱珪請序敬闡

皇考前序之深意續書於後以誌我朝
木天之盛軌奎壁珠輝鳳池華翰與四
庫石渠同垂奕禩永昭不朽矣

御製文初集卷之六

跋

恭跋

皇父木蘭雜詠圖冊

我國家肇基遼瀋以弧矢威天下

聖祖開闢木蘭習勞示度

皇父敬法

御製文初集 卷二
前猷式揚大烈自辛酉年每歲

幸木蘭行圍詰戎惠遠垂示奕禩之意
至深切矣幼齡扈

蹕親侍豹尾目覩壹發疊雙之神竒隔
谷中虎之精妙磬控驪黃指揮如意豈
但自古帝王所未能卽諸蒙古部落以
及吉林索倫射生手靡不心悅誠服歎

未曾有蓋

天錫多能隨

心應手故嘗發廿矢中十九彼穿楊飲

羽之侈談又烏足道哉 子臣 夙承

恩訓勉法

前徽茲命觀丙申年木蘭雜詠

御筆詩畫冊拜誦

御製文初集 卷六
天章肅披妙繪仰沐

身教之渥澤啟迪訓誨備極周詳纘承
之志曷敢弗夙

恭跋

皇考黃綾詩文本

我

皇考天縱多能幾餘遊藝文成三集詩

成五集

頒行薄海內外家絃戶誦燦如雲漢炳
若日星六十四年

勤政之暇

親御丹毫定稿後卽

命懋勤殿詞臣繕錄黃綾本積至今共
得一百三十五本予小子敬裝成木匣

御製文集卷六
藏於養心殿東暖閣每日薰沐展閱紉

釋

心法治法敬承勿替自古帝王享國六
十年之久猶復

訓政四年

壽躋九旬有如我

皇考者乎卽日著詩文皆係熙朝大典

經國鴻猷緯武經文觀民間俗較晴量
雨省歲籌農行政用人獎善懲惡諸鉅
製美矣備矣茂以加矣實與二典三謨
永垂奕禩俯視唐宋八大家以及李杜
諸詩人真如燭火與離照爭光奚啻霄
壤之分也哉瞻
手澤之畱遺益增悲緒念

音容之渺漠莫展孝思尊藏什襲時一
敬觀如領

訓言終身永守歎百本之空存哀

九旬之未祝濡毫和淚實不能文嘉慶

五年七月八日 子臣 恭跋

恭跋

皇考詩文餘集

洪惟我

皇考御極以來勤政之暇每以詩文紀
事鉅細畢該天人理貫誠圖治之權衡
臨民之準則也自乾隆元年丙辰至六
十年乙卯

詩成五集共得詩四萬一千八百首

文成三集共得文一千三百五十五篇

富有美備不可殫書滿望

壽越期頤長瞻

天藻與日月同輝昭垂不朽願未能遂
痛莫能伸今夏宮中守制敬於幾暇校
閱黃綾

詩文本計自後丙辰至戊午三年中併
已未正月復得

詩七百五十首

文三十六首謹編成餘集命尚書彭元
瑞侍郎戴衢亨敬司其事願餘集之名
非予小子所敢臆造恭檢戊午避暑山
莊鑑始齋

御製詩附識丙云

計丙辰至今又閱三年復得詩數百首

御製文初集 卷二
此後應於五集外另編餘集煌煌

聖諭敢弗敬承餘集中諸作

訓政居十之七八不倦於勤孜孜以

誨予小子爲先務方期日聆

庭訓永侍

慈顏得所遵循免致失措况近年邪民

弗靖塗炭黔黎

示以行軍勝算勉力籌幾雖逆首連伏

憲章餘孽未能盡淨已未正月二日

力疾成望捷之詩孰意此章竟爲絕筆

嗚呼痛哉天下臣民讀

殘赤不勝裁之句亦可知予

皇考愛民之一念流傳於億萬禩亦可

知予承

御製文初集 卷二
皇考之訓誨除邪安民之苦心實出於
萬不得已也餘集旣成敬跋於末頁系
以銘曰

文以傳心

詩以言志日月麗天江河行地六十四
年

實心實事萬有畢該衆理咸備

法

祖

敬

天臨民圖治文德武功良猷薈萃顧予
藐躬欽哉後嗣若凜淵冰持盈恐墜憶

昔承

歡膝下日侍捧

御製文初集 卷六
爵依筵隨

鑾攬轡莫覩

慈容昕朝揮淚倏過小祥邪氛猶熾

望捷未酬憂懼叢積願

鑒寸忱速昭

靈異

佑子佑民

遺謨早遂庚申孟秋拜手敬誌

